



Broj: 150-16-35-900- 10 /23 MM
Sarajevo, 16.11 2023. godine

Na osnovu člana 69. stav (2) tačka d) i člana 70. stav (1) i (4) Zakona o javnim nabavkama („Službeni glasnik BiH“, 39/14 i 59/22), člana 50. stav (1) Pravilnika Centralne banke Bosne i Hercegovine, broj: UV-104-01-1-116/15 od 28.12.2015. godine, broj: UV-122-01-1-1045-11/21 od 28.04.2021. godine, broj: UV-104-01-1-1425-15/21 od 29.06.2021. godine i broj: UV-122-01-1-2029-11/22 od 28. novembra 2022. godine, člana 13. stav (2) tačka c), člana 43. stav (1) i člana 45. stav (2) Pravilnika o javnim nabavkama, broj UV-122-02-1-829-12/23 od 30.03.2023. godine, guverner Centralne banke Bosne i Hercegovine donosi

O D L U K U

o poništenju postupka javne nabavke robe – isporuka i ugradnja portala za potrebe Centralnog ureda Centralne banke Bosne i Hercegovine – LOT 1

Član 1.

- (1) Ovom odlukom poništava se postupak javne nabavke robe – isporuka i ugradnja portala za potrebe Centralnog ureda Centralne banke Bosne i Hercegovine – LOT 1, procijenjene vrijednosti u iznosu od 6.000,00 KM.
- (2) Postupak iz stava (1) ovog člana se poništava jer nijedna od primljenih ponuda nije prihvatljiva.

Član 2.

Za realizaciju ove odluke zadužuju se Odjeljenje za javne nabavke Centralnog ureda Centralne banke Bosne i Hercegovine, Odjeljenje za zajedničke poslove Centralnog ureda Centralne banke Bosne i Hercegovine i Odjeljenje za računovodstvo i finansije Centralnog ureda Centralne banke Bosne i Hercegovine.

Član 3.

Ova Odluka će se objaviti na web stranici Centralne banke www.cbbh.ba, u skladu sa članom 70. stav (6) Zakona o javnim nabavkama.

O b r a z l o ž e n j e

Postupak javne nabavke robe – isporuka i ugradnja portala, putem otvorenog postupka, pokrenut je Odlukom o pokretanju postupka, broj: 150-16-35-900-7/23 MM od 25.08.2023. godine. U skladu s tim, Centralna banka je 04.09.2023. godine na portalu Javnih nabavki objavila Obavještenje o nabavci broj: 1370-1-1-441-3-304/23.

U roku određenom za prijem ponuda, odnosno do 25.09.2023. godine, dostavljene se tri ponude za LOT 1 sljedećih ponuđača:

- Yavuz Company d.o.o. Srebrenik,
- RMK ENGINEERING d.o.o. Vogošća,
- MEGA-ROLL d.o.o. Gračanica.



Komisija za javnu nabavku (u daljem tekstu: Komsija) je u prilikom pregleda i ocjene ponuda, konstatovala da nema stručna znanja za utvrđivanje da li pristigle ponude ispunjavaju uslove iz tehničke specifikacije, pa je angažovan vanjski stručnjak koji je izvršio pregled i ocjenu tehničke dokumentacije.

Komisija je, nakon pregleda i ocjene ponuda, a na osnovu *Stručnog Izvještaja - analiza pristigle kataloške dokumentacije za postupak javne nabavke roba – isporuka i ugradnja portala prema tehničkoj specifikaciji* vanjskog stručnjaka, utvrdila da dostavljene ponude ne ispunjavaju uslove iz tenderske dokumentacije kako slijedi:

Ponuda ponuđača Yavuz Company d.o.o. je nepravilna iz sljedećih razloga:

Dostavljena tehnička dokumentacija za profil Emerus serije PE 85 PTM. Dokumentacija na Njemačkom jeziku - uslov na tenderskoj dokumentaciji da ista bude na nekom od službenih jezika u Bosni i Hercegovini : "4.2. Dokazi vezano za tehničku i profesionalnu sposobnost ponuđača tačka b) Katalog, brošuru, prospekt, ispis sa web stranice ili tehničku dokumentaciju, kojima se dokazuje ispunjavanje tehničkih karakteristika robe koja je predmet nabavke. Ako su katalogi, brošure, prospekt ili tehnički list na stranom jeziku, potrebno je dostaviti prevod ovlaštenog sudskog tumača na jedan od službenih jezika u Bosni i Hercegovini."

Što se tiče tehničkih karakteristika, ponuđeni profil ima slične ili iste karakteristike kao i profil u tehničkoj specifikaciji za Lot 1 - Feal Termo 85.

Dokumentacija za staklo nije dostavljena a ista je jedan od uslova tenderske dokumentacije.

Ponuda ponuđača RMK ENGINEERING d.o.o. je nepravilna iz sljedećih razloga:

Dostavljena brošura za FEAL Termo 85. Isti profil je predviđen u tehničkoj specifikaciji i odgovara uslovima prema tenderskoj dokumentaciji.

Dostavljen i list prospekta ili objašnjenja niskoemisionog low E stakla. U tehničkoj specifikaciji traženo termoizolaciono staklo gdje je vanjsko staklo lamistal sigurnosno staklo i za isto nije dostavljena dokumentacija, atest, brošura ili drugi vid dokaza.

Ponuda ponuđača MEGA-ROLL d.o.o. je nepravilna iz sljedećih razloga:

Dostavljena brošura sistema BAUFENS Platinum 7 komora 8500 Serija. Navedeni profil je PVC profil i ne odgovara traženom profilu istih ili sličnih karakteristika kao u tehničkoj specifikaciji tenderske dokumentacije – Feal Termo 85.

Dostavljena tehnička dokumentacija za profil Emerus serije PR65TT. Profil tehničkih karakteristikama ne odgovara traženom profilu u tehničkoj specifikaciji. Tenderskom dokumentacijom previđen profil Feal Termo 85 ili ekvivalent minimalno istih tehničkih karakteristika.

U dostavljenoj tehničkoj dokumentaciji, nalazi se i ispitivanje stakala i to: "izolaciono staklo sustava: Royal blue 8 mm među prostor 12 mm punjen argonom i unutarne staklo low -e 4 mm". Ovo staklo nije traženo u tehničkoj dokumentaciji i isto se ne može uzeti kao dokaz za ispunjavanje tehničkih karakteristika traženog proizvoda. U tehničkoj specifikaciji traženo termoizolaciono staklo gdje je vanjsko staklo lamistal sigurnosno staklo i za isto nije dostavljena dokumentacija, atest, brošura ili drugi vid dokaza.

Komisija je u Zapisniku o pregledu i ocjeni ponuda, broj: 149-16-35-1649-9/23 od 09.11.2023. godine i Izvještaju o radu komisije sa preporukom broj: 149-16-35-1649-10/23 od 09.11.2023. godine dala preporuku za donošenje odluke kao u dispozitivu.

Cijeneći sve naprijed iznesene činjenice i okolnosti, odlučeno je kao u dispozitivu ove odluke.

Pouka o pravnom lijeku:

Protiv ove odluke može se, u pisanoj formi, uložiti žalba Centralnoj banci Bosne i Hercegovine, u roku od deset dana, od dana dostavljanja ove odluke.



Dostaviti:

- guverneru,
- viceguvernerima
- predsjedniku i članovima komisije
- Odjeljenju za računovodstvo i finansije (original)
- Odjeljenju za javne nabavke (original)
- Odjeljenju za zajedničke poslove
- Ponudačima (original)
- u spis predmeta (original)
- arhiva